

late sordide albidis, hac apicem haud attingente, cuneo limbo laterali usque in apicem striaque exteriore basali venam cubitalem attingente sordide albidis; membrana fusco-fumata, venis albidis areola minore nigricante; femoribus praecipue posticis superne apice subtilius fusco-punctulatis, inferne punctis fuscis seriatis; tibiis spinulis nigris e punctis sat magnis fuscis nascentibus; tarsis articulo ultimo infuscato. Long. ♂ $4\frac{1}{2}$ mm.

Hab. in Gallia meridionali (Mus. Belg.).

Descr.: Species colore insigni hemielytrorum mox distinguenda. Caput (♂) leviter nutans, ab antico visum latitudine verticis oculique unci parum longius, vertice oculo paullo magis quam duplo latiore, angulo faciali acuto, gula horizontali, longa, setosa, genis humilibus, loris subhorizontalibus, fuscis. Rostrum segmentum maris genitale attingens, apice nigro, articulo primo medium xyphi prosterni subsuperante. Antennae mox ante apicem oculorum interne insertae, nigro-pubescentes, articulo primo apicem capitis vix superante, sordide flavovirente, annulo tenui basali punctoque parvo setifero ante apicem fuscis, secundo latitudine capitis (cum oculis) circiter $\frac{1}{4}$ longiore, crassiusculo, virescentifusco, basin versus sordide virescenti-flavente, ultimis fuscis, simul sumtis secundo paullo brevioribus, quarto tertio fere duplo brevioribus. Pronotum basi longitudine circiter duplo latiore, apice longitudine parum latiore, basi truncata, lateribus rectis vel versus apicem leviter rotundatis, disco parum declivi, callis transversis medio distantibus, marginibus eorum distincte impressis. Hemielytra (♂) abdomen modice superantia. Tibiae spinulis sat longis. Tarsi postici articulo tertio secundo brevioribus, aroliis apicem unguiculorum subattingentibus.

13. *Psallus scutellaris* Reut.

Diagn.: Sordide grisescenti-albicans, nitidulus, superne sat longe nigro-pilosulus, pilis fragilibus sat longis albo-pubescentibus; capite, margine verticis excepto, articulo primo an-